

**Oqaasiliortut Ataatsimiinnerannit
Tallimangorneq apriliip aallaqqaataani 2011, nal. 10. 00
imaqarniliat
Ilimmarfimmi / Oqaasileriffimmi.**

Peqataasut: Carl Chr. Olsen, Eva Møller Thomassen, Johannes Jerimiassen,
Peqataangitsut (pissuteqarlutik): Lotte Holm, Stephen Heilmann

Oqaluuserisat:

1. Tikilluaqqusineq aamma **ilisimatitsissutit**

Siulittaasoq ilisimatitsivoq aggustusip 22-anniit 26-ata tungaanut Ilulissani Nordisk Sprogmoder i ingerlanneqartussaasoq. Tassunga atatillugu Oqaasiliortunut ilaasortat kaammattorpai peqataaniaqqullugit. Angalaneq assigisaallu tamarmik Oqaasileriffimmit akilerneqassapput. Suliffeqarfinnut tunngassutillit qanoq aaqqinneqarsinnaaneri pillugit Naalakkersuisoqarfik oqaloqatigineqassaaq.

Apriliip tallimaanni Ilimmarfimmi Saamit ilinniartut najuuttoralugit marlunnik oqaaseqarneq pillugu oqalugiaqattaarneqarlunilu oqallinneqassaaq.

Immik. 6-imut tunngatillugu makku eqqartugassanut ilanngunneqarput:

6a: Tangart kalaallisut

6b: Groenlandica kalaallisut

6c: Seksualitet kalaallisut

6d: Nunavumi Taiguusiliuqtiit tikeraarnissaat.

2. Kingullermik ataatsimiinnermit **imaqarniliap akuerineqarnera.**

Naqqitamerngit ilanngullugit akuerineqarpoq.

3. “**From Greenlandic products to a French savoir-faire**” *Kalaalimernit akimmatsilugit.*

Ilaasortat sinneri isumasioriarlugit tulliani ataatsimiinnissamut kinguartinneqarpoq.

4. **It radiograf** = Qarasaasiakktut tarrarsuisartooq imalt. Tarrarsuisartooq qarasaasialerisoq.

Tarrarsuisartooq qarasaasialerisoq akuerineqarpoq. Saaffiginnittunut erseqqissaatigineqassaaq Oqaasiliortut tassaammata naggataatigut taaguutinik aalajangiisartuusut, taamaattumik Oqaasiliortunut saqqummiullugit suliassanngortitanik nammineq allannguisoqarsinnaanngitsoq.

5. **Naalakkersuisut nalunaarutaat** nr. xx xx.xx.2011-meersoq attaveqatitigut ingerlaarneq pillugu (Landsstyrets bekendtgørelse nr. xx af xx. xx 2011 om samtrafik).

Tulliani ataatsimiinnissamut kinguartinneqarpoq

6. Allat

a. **Tangart** kalaallisut:

KNR Kujataa-niit oqaatsip tangart-ip qanoq kalaallisut taaguuteqarnissaa pillugu apeqqummut tungatillugu aalajangerneqarpoq taaguut una atussasoq: **Qeqqussat assigiinngitsut.**

b. **Groenlandica** (bilageqanngilaq)

Siulittaasup ilisimatitsissutigaa Groenlandicamiut saaffiginnissimasut kalaallisut taaguutissaminnik ujartuillutik. Aalajangerneqarpoq Groenlandica kalaallisut ima taaguuteqassasoq: **Saqqummigaatit**

c. **Seksualitet**

Kalaallisut taaguuteqarnissaa pillugu siunnersuutit arlaqaraluartut aalajangerneqarpoq tulliani ataatsimiinnissamut kinguartinneqassasoq..

d. **Nunavumi Taiguusiliuqtiit**

Aalajangerneqarpoq nalunaarfigineqassasut juunip aallartinnerani tikeraarsinnaagunik pitsaanerussasoq. Qanoq ataatsimiikulatiginersugut il.il. apeqqutaat allatsimit akineqarumaarput.

e. **Tulliani ataatsimiinnissaq**

Aalajangerneqarpoq tulliani pissasoq aprilip qeqqani.

Inussiarnersumik inuulluaqqusilluta

Carl Chr. Olsen
Siulittaasoq

Nuka Møller
Allatsi